

## প্র স্বপ্ন নিয়ে

# কোথায় পাব বৃত্তি, ইন্টার্নশিপ, ফেলোশিপ, নানা সুযোগের খোঁজ

স্বপ্ন নিয়ে ডেস্ক



মডেল : ফাহিম ও আফরা ছবি : সারিনা ইয়াসমিন

বৃত্তি, ফেলোশিপ, ইন্টার্নশিপ, এক্সচেঞ্জ প্রোগ্রাম, তরুণদের আন্তর্জাতিক সম্মেলন—কত রকম সুযোগ আছে চারপাশে। আপনার জন্য জুতসই সুযোগটা কোথায়, কীভাবে খুঁজে পাবেন? জেনে নেওয়া যাক কিছু কৌশল।

বিজ্ঞাপন

বৃত্তির খোঁজখবর

By using this site, you agree to our Privacy Policy. OK

চিভনিং, ফুলব্রাইট ফরেন স্টুডেন্ট প্রোগ্রামসহ বিভিন্ন দেশের সরকারি বৃত্তির খোঁজখবর পাওয়া যায় অনলাইনেই। ভারত সরকারের ইন্ডিয়ান কাউন্সিল ফর কালচারাল রিলেশনস (আইসিসিআর) বৃত্তিপ্ৰাপ্ত শিক্ষার্থী ফারাহ নাজ জাহান বলছিলেন, ‘আমি বৃত্তি নিয়ে তামিলনাড়ু আলাগাপ্পা ইউনিভার্সিটিতে পড়ছি। বৃত্তির খোঁজখবর পেতে সব সময় চোখ রাখতাম বাংলাদেশের মাধ্যমিক ও উচ্চশিক্ষা বিভাগের ওয়েবসাইটে। এই ওয়েবসাইটে বিভিন্ন সরকারি বৃত্তির বিজ্ঞপ্তি ও আবেদনের বিস্তারিত নিয়মিত প্রকাশ করা হয়।’ যাঁরা ভবিষ্যতের বৃত্তি ও ফেলোশিপের সুযোগ সম্পর্কে জানতে চান, তাঁরা অনেক তথ্য পেয়ে যাবেন এই ওয়েবসাইটেই। পুরোনো বিজ্ঞপ্তি দেখে বিভিন্ন বৃত্তির আবেদন প্রক্রিয়া সম্পর্কে ধারণা পাওয়া যায়। কী কী কাগজপত্র লাগবে, আবেদনের সময়কাল ইত্যাদি সম্পর্কেও জানতে পারবেন। সরকারি বৃত্তির খোঁজ পাবেন [এই ওয়েবসাইটে](#)।

এ ছাড়া যুক্তরাষ্ট্রের বিভিন্ন সুযোগের খবর জানতে চোখ রাখতে পারেন [যুক্তরাষ্ট্র দূতাবাসের ওয়েবসাইটে](#)।

### ফেলোশিপের খোঁজখবর

সরকারি ও বেসরকারিপর্যায়ে নানা ধরনের ফেলোশিপের সুযোগ আছে তরুণদের জন্য। দেশভেদে বিভিন্ন ফেলোশিপের প্রশিক্ষণ ও কার্যক্রম কয়েক সপ্তাহ থেকে মাসব্যাপীও হয়ে থাকে। যুক্তরাষ্ট্রের স্টেট ডিপার্টমেন্টের ফেলো নিলয় দাশ বলছিলেন, ‘আমি ২০১৬ সালে তরুণ পেশাজীবী ও উদ্যোক্তা হিসেবে যুক্তরাষ্ট্রের স্টেট ডিপার্টমেন্টের অধীন ওকলাহোমা বিশ্ববিদ্যালয়ের পেশাগত ফেলোশিপে অংশ নিই। প্রায় পাঁচ সপ্তাহ যুক্তরাষ্ট্রে থেকেছিলাম। অনলাইনে ফেলোশিপের নোটিশ দেখে আবেদন করেছি। এই ফেলোশিপ প্রোগ্রামের জন্য কী কী কাগজপত্র ও দক্ষতা প্রয়োজন, সেটা বিভিন্ন ওয়েবসাইটের মাধ্যমে জেনেছি।’ বাংলাদেশি তরুণ ওসামা বিন নূরের গড়া [ইয়ুথ অপরচুনিটিজের ওয়েবসাইটে](#) বৃত্তি, ফেলোশিপ, এক্সচেঞ্জ প্রোগ্রামসহ নানা হালনাগাদ তথ্য পাওয়া যায় সব সময়।

### জার্নালের খোঁজখবর

বিশ্ববিদ্যালয়জীবনের শুরু থেকেই নানা জার্নাল বা পেপার সম্পর্কে জানতে হয়, পড়তে হয়। অটিজম স্পেকট্রাম ডিজঅর্ডার নিয়ে গবেষণার জন্য ২০১৭ সালে ব্রিটিশ মেডিকেল জার্নাল থেকে তরুণ গবেষক হিসেবে সম্মাননা পান কামরুন কলি। চিভনিং বৃত্তিপ্ৰাপ্ত এই গবেষক বলেন, ‘শুরুতে গুগল সার্চের মাধ্যমে কিছু নির্ধারিত আর্টিকেল খুঁজে পাই আমরা। অনলাইনে অনেক ওয়েবসাইট ও ই-লাইব্রেরি আছে, যার মাধ্যমে জার্নালের খোঁজখবর পাওয়া যায়। যে যেই বিষয়ে পড়ছেন, বা আগ্রহী; সেই ক্ষেত্রের আলোচিত ৩-৪টি জার্নালে নিয়মিত চোখ রাখলে নিশ্চিতভাবেই খুব উপকার পাবেন।’ বিভিন্ন অনলাইন রেফারেন্স সাইট থেকে যেকোনো বিষয়ের জার্নাল খুঁজে পাওয়া যায়।

আলোচিত কিছু জার্নাল, মনোগ্রাফ, এনসাইক্লোপিডিয়ার ঠিকানা :

[refseek.com](#)—এই ওয়েবসাইট থেকে লাখো একাডেমিক গবেষণা বা নিবন্ধের খোঁজ পাবেন।

[link.springer.com](#)—এখানে প্রায় এক কোটি বৈজ্ঞানিক নথি, বই, নিবন্ধ ও রিসার্চ প্রটোকল আছে।

repec.org—এই ওয়েবসাইট থেকে ১০৩টি দেশের প্রায় ৪০ লাখ পাবলিকেশন পড়ার সুযোগ পাবেন।

scholar.google.com—গুগলের এই সেবা থেকে কিওয়ার্ড সার্চ করে আপনি যেকোনো বিষয়ে বই ও নিবন্ধের খোঁজখবর জানতে পারবেন।

researchgate.net—গবেষণাপত্র, জার্নাল, ইত্যাদি পড়ার জন্য এটিও একটি জনপ্রিয় ওয়েবসাইট।

আরও যেভাবে খোঁজ পেতে পারেন

—গুগল সার্চ ইঞ্জিনে ‘অ্যালাট’ বলে একটি বিশেষ সেবা চালু আছে। আপনি বিশেষ শব্দ বা বাক্য যেমন ‘জলবায়ু সম্মেলন’ লিখে অ্যালাট চালু করলে নিয়মিত বিরতিতে জলবায়ু-সংক্রান্ত বিভিন্ন সম্মেলনের খোঁজখবর আপনার মেইলে চলে আসবে। আপনাকে আর আলাদা করে খুঁজতে হবে না। গুগল অ্যালাটের ঠিকানা পাবেন [এখানে](#)।

—বিভিন্ন বিশ্ববিদ্যালয়ের ওয়েবসাইটের নোটিফিকেশন আলাদাভাবে গুগল ক্রোম ব্রাউজার থেকে পেতে পারেন। গুগল ক্রোমের সেটিংস অপশন থেকে প্রাইভেসি ও সিকিউরিটিতে ক্লিক করতে হবে প্রথমে। তারপর সাইট সেটিংসে ক্লিক করলে নোটিফিকেশন অপশন পাবেন। এখানে যেমন অক্সফোর্ড বিশ্ববিদ্যালয়ের ওয়েবসাইটের বৃত্তি ও ফেলোশিপের ঠিকানার ওয়েবলিংক যুক্ত করলে হালনাগাদ তথ্য এলেই আপনার কাছে নোটিফিকেশন চলে আসবে।

—ফেসবুকে বিভিন্ন দেশে উচ্চশিক্ষা-সংক্রান্ত আলাদা আলাদা ফেসবুক গ্রুপ খুঁজে পাবেন। এ ধরনের গ্রুপ থেকে নিয়মিত নানা দেশের সরকারি ও বেসরকারি বিভিন্ন সুযোগ সম্পর্কে জানা যায়। আলোচিত কয়েকটি গ্রুপ : [হায়ার স্টাডি অ্যাবরোড](#), [বাংলাদেশিজ বেয়ন্ড বর্ডার](#), [নেক্সটপ ইউএসএ](#)।

Sign in

Newest ▼

Share



Share your thoughts...

POST

This site is protected by reCAPTCHA and the Google [Privacy Policy](#) and [Terms of Service](#) apply.



By using this site, you agree to our Privacy Policy. OK

